

671.1323
083
110

詩	叙	志
鈔	錄	餘

雄縣新志

第十冊

雄縣新志

志餘

雜記

廣順元年冬十月劉暉稅居於東京夜夢鬼詫之曰公於我塚上安牀深不奉益暉問鬼姓氏曰李丕文暉曰君言殊誤都城內豈可塚耶曰塚本在野張十八郎展城時圍入忽寤又半月復夢前鬼曰公不相信屈觀吾舍可乎卽以手揩地豁然見華第花木叢萃房廊雕煥立暉於西廡久之見一團火如電前來漸近卽前鬼也引暉深入出其孥泣拜如有所託暉問丕文鬼事曰冥司各有部屬外不知也暉曰余官何至再三不對苦訊

之曰齊王判官暉曰張令公爲齊王去世久矣今鄆州高令公爲齊王余方爲列卿豈復爲賓佐乎鬼曰不知也暉旣寤欲掘而視之旣又告人曰鬼雖見訴其如吾稅舍何乃止廣順二年春朝廷以暉爲高麗冊使三月至鄆節度使高行周以暉嗜酒流連累日旦夕沉醉其月二十三日晨興櫛髮狀如醉寐男泳視之已卒矣

舊五代史

龐元英奉使至雄州五月二十二日次白溝驛是日晚雨雹其

大如拳屋瓦皆碎

文昌雜錄

世傳孟良焦瓚楊六郎裨將戰功最多猶岳忠武王貴牛皋也演爲野史播之優伶雜劇村鼓盲絃雖婦人孺子皆能道之邑

東北有孟良營村相傳爲孟良屯兵處延昭守三關或偶營於此顧於當時事無所考矣姚羹湖作雄縣志於守將錄焦瓚

新城

縣志

王忻字茨菴善屬文高陽孫文正以孫女妻之隨其父喬棟歷官閩浙參議旣而流寇陷武昌參議殉城死忻慟哭嘔血絕而復蘇卜居六合之西圩老屋三間訓課諸子暇時教兩女爲詩宛平王文靖章武劉端毅皆少年好友官階貴盛忻未嘗以片札走長安也

潘應賓
茨菴傳

袁佑雪軒集有贈壽張主簿馬之驕二律云春風雁過信陵臺猶憶談經絳帳開白雪常從詩裏和清宵數向夢中來官閒暫

對桃花水吏隱惟傾竹葉杯見說上林新有賦漢家原重馬卿
才中原處處有詩名人到南樓一問聲三仕君猶爲下吏十年
我已厭諸生詞壇橐鼓燕山冷運道帆檣濟水清咄咄書空應
自怪帝鄉千里暮雲平觀三仕句疑之驕爲學博時曾里吏議
其後以縣佐從事於河渠也

紅豆樹
館詩話

近日下僚中往往多文士婁縣丞施鴻字則威邵武人著史測
十卷江都主簿馬之驕字旻徠雄縣人撰詩防後補壽張主簿
又撰張秋志泰州同知趙三麒字乾符韓城人有詩云虞帝昔
南巡不見南巡跡但餘此墓旁一片瀟湘石余在廣陵常詫客

曰吾衙官屈宋矣

漁洋
詩話

杜防涿州歸義人擢進士甲科仕至右丞相加尙父重熙二十

一年秋祭仁德皇后詔儒臣賦詩防爲魁賜金幣

周春遂詩話

靖康間金人犯闕陽武蔣令興祖死之其女爲賊虜去題字於

雄州驛中叙其本末仍作減字木蘭花詞云朝雲橫度轆轤車

聲如水去白草黃沙月照孤村三兩家天天去也萬結愁腸無

晝夜漸近燕山回首鄉關行路難

元韋居安梅澗詩話

雄縣王少司寇企靖嘗夢月夜至一湖四岸皆似琉璃築成中

亘獨木橋上立一少年朗吟一律云若更西歸亦不難何須抵

死夢邯鄲休誇肘後黃金印試認囊中白雪丹五嶺風煙迷去

就三吳羽檄報平安波濤轉眼琉璃界只許今宵月下看時康

熙丁酉九月朔也次日爲余言之究不解詩中意義

查爲仁蓮坡詩話

世宗末年大舉以取幽州契丹聞其親征君臣恐懼沿邊城壘皆望風而下凡蕃部之在幽州者亦連宵遁去車駕至瓦橋探邏是實甚喜以爲大勲必集登岡阜因以觀六師頃之有父老百餘輩持牛酒以獻世宗問曰此何地名對曰歷世相傳謂之病龍臺默然遽上馬去是夜聖體不豫翌日病亟有詔回戈未到關而晏駕先是世宗之在民間也嘗夢神人以大傘見遺色如鬱金加道經一卷其後遂有天下及瓦橋不豫復夢向之神人來索傘與經夢中還之而驚起謂近侍曰吾夢不祥豈非天命將去耶遂召大臣戒以後世初幽州聞車駕將至父老或有

竊議曰此不足憂且天子姓柴幽者爲燕燕者亦煙火之謂也此柴入火不利之兆安得成功卒如其言

五代史補

李允則守雄州北門外居民極多城中地窄欲展北城而以遼人通好恐其生事門外舊有東嶽行宮允則以銀爲大香爐陳於廟中故不設備一日銀爐爲盜所攘乃大出募賞所在張榜捕賊甚急久之不獲遂聲言廟中屢遭寇課夫築牆圍之其實展北城也不踰旬而就虜亦不怪之則今雄州北關城是也

夢溪

筆談

北人信誓兩界非時不得葺堞李允則知雄州欲展城無由因作銀香爐置城北土地堂一旦使人竊取之遂大喧敦蹤跡去

來辭連北疆紛紜久之因興起築今雄州城北關是也

宋張舜民輟耕

錄

瓦橋北與遼人爲鄰素無關河爲阻往歲六宅使何承矩守瓦橋始議陂澤之地潞水爲塞欲自相識恐其謀洩日會僚佐汎船置酒賞蓼花作蓼花游數十篇令座客屬和畫以爲圖傳至京師人莫喻其意自此始壅諸淀慶歷中內侍楊懷敏復踵爲之至熙寧中又開徐村柳莊等灤皆以徐鮑沙唐等河叫猴鷄距五眼等泉爲源東合滹沱漳淇易白等水并大河於是自保州西北沈遠灤東盡滄州泥沽海口幾八百里悉爲潞潦闊者

有及六十里者至今倚爲藩衛

夢溪筆談

張藏英燕人契丹用爲蘆台軍使逃歸中國世宗征契丹藏英請不用兵先往說下瓦橋關乃單騎往城下呼曰汝識我乎我張蘆台也因陳世宗威德曰非汝敵也不下且見屠藏英素爲燕人所信重契丹遂自北門遁去城人開門請降

涑水紀聞

趙觀察滋知雄州時契丹大饑舊米出塞不得過三升滋曰彼吾民也令出米無所禁

厚德錄

紹興元年五月張俊討李成敗之成逃歸豫雄州大僧王友直抵豫書招李成訟劉光世呂頤浩非中興將相才後爲人所訴詔鞠而刑之

宋史劉豫傳

張甫本金元帥封高陽公最善馭衆金亡河北甫據雄霸清莫

河間信安不一信安出白溝距燕二百里而阻大灤大元兵不能涉甫每潛師窺伺大元將俚砮奴屢欲滅甫以取雄霸驍將窩羅虎者歸甫甫納之其後窩羅虎遁去且竊甫千里馬以獻俚砮奴俚砮奴喜待遇益厚嘗會飲燕京之大悲閣窩羅虎醉俚砮奴而推使投閣窩羅虎乃佯醉下樓復乘所獻馬以歸南追者莫及人始服甫之用間焉其後乃歸全

宋史李全傳

余從祖忠節公被逮從父子敬公匿定興鹿太常家大河以北相與周旋患難奮不顧身者有容城蘇門徵君范陽張果中布衣杜紫峯處士獻縣高鴻臚雄縣李華五秀才以及五公

魏坤王餘

佑傳

郭棻常總修畿輔通志同時分修者舉人則新安魏一鰲安肅
師若瑋雄縣則馬之驪俱有文名

畿輔
通志

孫夏峯爲蘇湯宇與王坦山太守書略云雄縣廩生蘇生湯宇
苦心砥行學古之士也生平孝友雅重鄉評兩舉行優荷蒙褒
賞食廩近三十年毫無分外一事某等結社於二十年之前不
獨文義相長實以行誼共推鹿職方伯順賈憲副孔潤俱同聲
味姑舉其一事有同案生王進德者生妻李氏貧不能養二子
俱襁褓湯宇固寒士也慨然捐廩銀一年倡諸好義者爲治恒
產迄今李氏母子得以完聚蘇生之修持雅多類是今當陪貢
之時考居四等本生屬文於病荒之際義命自安某等論行於

考試之餘甄拔是望三輔士曉然知文藝之外別有立身根本

一方風教賴此舉矣書入蘇生得復

孫徵君年譜

順治乙酉雄縣馬習仲之馴從夏峯在北城學順治八年王生

洲

名孫蕃時居延平

子一廉從學

孫徵君年譜

讀易大旨孫奇逢撰末附與三無道人李對論易之語別爲一

卷對雄縣人奇逢所從學易者也

四庫書簡明目錄

東坡次韵王雄州

勛

還朝留別詩老李威名八十年壁間精悍

見遺顏自聞出守風流似稍覺承平氣象還但遣詩人歌杖杜

不妨侍女唱陽關內朝接武知何日白髮羞歸供奉班注老李

謂允則也

紀聖實錄

至和三年諫官范鎮言恩州自皇祐五年秋至去年冬知州事
凡七換河北諸州大率如此欲望兵馬練習固不可得伏見雄
州馬懷德恩州劉渙冀州王德恭材勇智慮可責之以辦治乞
令久任任之不久而欲其成事不可得也

路史

順帝至正十六年命大司農司屯種雄霸二州以給京師號京

糧

元史

定制獻地王府者成邊弘治中奉御趙瑄獻雄縣地爲皇莊戶

部尙書周經劾之下瑄詔獄然當日奉獻不絕

明史食貨志

永樂間渾河改流西南經固安新城雄縣抵霸州屢決爲害

明史

河渠志

崇禎十年增築雄縣橫堤八里禦滹沱暴漲又工部議畿輔諸郡邑以上流十五河之水洩於茅兒一灣海口又極束隘故所在橫流必多開支河挑濬海口

明史河渠志

文獻通考熙寧以前諸州商稅四十萬貫以上至五千貫以下有八等三萬貫以下雄一務保一務永甯一務五千貫以下順安一務廣信一務酒課歲額五萬貫以下祁三務保一務三萬貫以下雄一務順安一務安肅一務永甯一務廣信一務北平一務按保今清苑雄今雄縣安肅廣信今徐水永甯今蠡縣北平今完縣順安今高陽又案縣屬村名有道務蔡家務小務必當時稅務之所無疑世俗稱名每沿舊制載籍無徵建置莫考

通考云漢唐馬政在西北後周初取關南多盜北馬邊吏籍數以聞官給其值宋初市馬而興葺舊馬務牧放之案收稅之處曰務如宋之市易務權貨務今城東三十里有馬務頭村其卽宋代馬務遺蹟歟

白溝爲宋遼分界處王曾上契丹封事有云自雄州白溝驛渡河四十里至新城古督亢地又北六十里至涿州惟時白溝合巨馬直東行今則直南過瓦橋關而白溝鎮東尙有故道可辨

新城志

民國三年保定縣改名新鎮縣本宋歸信縣之新鎮地景德元年改保定軍宣和七年改保定縣金屬雄州九域志太平興國

六年以涿州歸信縣之新鎮置平戎軍

民國十八年四月七日天津益世報載綏遠包頭中山學校校長楊在田贈與本館綏遠古蹟二影一漢昭妃墓離綏遠城約三十里一宋焦贊坟在歸化北三十五里案焦爲北宋時人宋遼分界在白溝河白溝北皆遼地贊之坟無緣在界北千餘里外舊志載焦贊墓或可信也

東南起保定軍西北雄州合百水淀黑羊淀小蓮花淀爲一水衡廣六十里縱二十五里或十里其深八尺或九尺東起雄州西至順安軍合大蓮花淀洛陽淀牛橫淀康池淀疇淀白羊淀爲一水衡廣七十里縱三十里或四十五里其深一丈或六尺